

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
**DOM NARODA**  
SARAJEVO

Parlament Federacije Bosne i Hercegovine  
Doma naroda Parlamenta Federacije BiH  
Delegat, Almedin Aliefendić

Sarajevo, 07.12.2017.god.

Primljeno:	07-12-2017		
Org. jed.	Broj	Priloga	Vrijednost
02-	02-	2048	17

110x

**DOM NARODA PARLAMENTA FEDERACIJE BIH**  
**n/r predsjedavajuća Lidija Bradara**

U skladu sa članom 190. Poslovnika o radu Doma naroda Parlamenta Federacije Bosne i Hercegovine na Prijedlog odluke o izmjenama i dopunama Budžeta Federacije BiH za 2017.godinu ulažem sljedeći;

**AMANDMAN I**

U Prijedlogu odluke o izmjenama i dopunama Budžeta Federacije BiH za 2017. godinu u razdjelu 20, Federalno ministarstvo zdravstva, ekonomski kod 6141, Tekući transferi drugim nivoima vlasti i fondovima – Transfer za sanaciju zdravstvenih ustanova u Federaciji BiH povećati za 3.000.000 KM, odnosno na ukupan iznos 12.000.000 KM.

Povećanje sredstava osigurati na Prihodima, Ekonomski kod 717111, Prihodi od indirektnih poreza koji pripadaju Federaciji BiH povećanjem za 3.000.000 KM, odnosno na 867.633.840 KM.

**Obrazloženje**

Vlada Federacije BiH je na 98.sjednici donijela Odluku o usvajanju Programa utroška sredstava sa kriterijima raspodjele sredstava "Tekući transfer drugim nivoima vlasti i fondovima - Transfer za sanaciju zdravstvenih ustanova u Federaciji Bosne i Hercegovine" utvrđenih Budžetom Federacije Bosne i Hercegovine za 2017. godinu Federalnom ministarstvu zdravstva, («Službene novine Federacije BiH», broj 29/17 /19.4.2017.).

Navedenom odlukom izvršena je raspodjela sredstava iz Budžetom Federacije BiH za 2017. godinu, u iznosu od 9.000.000 konvertibilnih maraka. Raspodjela ovih sredstava je izvršena prema zdravstvenim ustanovama, i to po tri miliona KM Kliničkom centru Univerziteta u Sarajevu, Sveučilišnoj kliničkoj bolnici Mostar i Univerzitetsko-kliničkom centru Tuzla. Prijedlog Vlade Federacije BiH da po prvi puta planira sredstva za ovu namjenu u Budžetu Federacije BiH za 2017.godinu je ohrabrujući i podržan od parlamentaraca.

Raspodjela sredstava namijenjenih sanaciji stanja u zdravstvenim institucijama u javnosti je podržana, međutim proizvela je određena nezadovoljstva kod većine kantonalnih zdravstvenih institucija koje imaju probleme sa održavanjem likvidnosti, a time i probleme u funkcionisanju osnovnih zdravstvenih usluga građanima na njihovom području.

U vezi navedenog, izvršio sam konsultacije sa velikim brojem zastupnika i delegata Parlamenta Federacije BiH, te predlažemo da Vlada Federacije osigura dodatna sredstva za podršku ostalim kantonima, odnosno kantonalnim bolnicama u iznosu od 3.000.000 KM, a prema predloženoj raspodjeli (kriterij broja stanovnika koji ostvaruju zdravstvene usluge u kantonima).

Kao što je naprijed navedeno, prijedlog raspodjele sredstava je pripremljen na osnovu pokazatelja broja stanovništva kantona iz Izvještaja o zdravstvenom stanju stanovništva i zdravstvene zaštite za 2015.godinu kojeg je pripremio Zavod za javno zdravstvo Federacije BiH, a obuhvata sve kantone koji nisu ostvarili pomoć prema navedenoj Odluci Vlade Federacije BiH.

R.B.	KANTON	BROJ STANOVNIKA
1	Unsko-sanski kanton	287030
2	Posavski kanton	38375
3	Zeničko-dobojski kanton	396732
4	Bosansko-podrinjski kanton	32341
5	Srednjobosanski kanton	251714
6	Hercegovačko-neretvanski kanton (Konjic i Mostar I)	98634
7	Kanton 10	77757
	UKUPNO:	1183583

Na osnovu navedenog kriterija predlažem da Vlada Federacije Bosne i Hercegovine odobri finansijska sredstva kantonima za podršku rada kantonalnih bolnica prema sljedećem;

R.B.	KANTON	IZNOS (KM)
1	Unsko-sanski kanton	730.000
2	Posavski kanton	97.000
3	Zeničko-dobojski kanton	1.004.000
4	Bosansko-podrinjski kanton	82.000
5	Srednjobosanski kanton	640.000
6	Hercegovačko-neretvanski kanton (Konjic i Mostar I)	250.000
7	Kanton 10	197.000
	UKUPNO:	3.000.000

Odobrena sredstva će poslužiti za izmirivanje dospjelih obaveza, za nabavku vozila hitne pomoći, lijekova i drugog materijala, te servisiranje i obnavljanje medicinske opreme zbog dotrajalosti neophodne za osiguravanje kontinuiteta u pružanju zdravstvenih usluga u ovim javnim zdravstvenim ustanovama.

Nadam se da će Vlada Federacije BiH razmotriti navedeni amandman, pokazati senzibilitet prema zdravstvenom sektoru i ostatku stanovništva Federacije BiH koji ostvaruju sekundarni i tercijarni nivo zdravstvene zaštite u kantonalnim bolnicama, te time osigurati jednakopravnost svih naroda i građana u raspodjeli sredstava kojima raspolaže u budžetima i fondovima. Svaka konvertibilna marka uložena u zdravstvo je investicija koja će se dugoročno višestruko isplatiti.

S poštovanjem,

Podnosilac amandmana

Almedin Aliefendić

